

Kant .har . Jom Reak´ GoꞤpo

Amdaj Mo~r.e~ gel bochor laha reak´ katha. Mit´t.en atore jawa kor.akin tahe~kana. Unkin do n´elok´te mit´ge, a.kinren en´gat-apat chad.a okoe ho~ bako orom dar.eakin kan tahe~kana. Ado onko or.ak´ phed.re mit´t.en ha.t.ia. tahe~kana. Ona ha.t.ia. do haptare 2 din dur.up´a, Sokolbar ar Sombar hilok´. Mit´ din onkin jawa kor.a modre maran´ic´ do ha.t.ia.te kant.har kirin´e sen akana. Got.a hat.ia. dar.akate mit´t.en la.t.u macha kant.har.e kusiada. Ado mone monete hudiskeda, noa kant.har. jor.aten´ kirin´ lekhan or.ak´ ren sanamkole jom ant.aok´a. Onate beparia. kant.har. dame kulikede.

Bepari: Noa kant.har.em kusiak´ kana besge, menkhan a.d.i damangea. Mimit´ got.en kant.har. reak´ dam bar adha t.aka ar jor.ate do mo~r.e~ t.aka par.aok´a. Khan uni kor.a doe mengot´keda, noa kant.har. eken in´ eskarten´ jom dar.eak´a.

Bepari: Nonkan er.e er.e katha do alom ror. bar.aea. Dam ho~ ja.stigea. Ar noa kant.har.em jom dar.eak´ khan, arho~ barea kant.har. man´naten´ emama. Ado uni kor.ae mengot´keda, sa.rigen´ meneda, jom dar.eak´gea.n´.

Bepari: Ban´, noa do ban´ hoe dar.eak´a. Ma end.ekhan,nond.e in´ saman´rege dur.up´katec´ jom me. Judim jom dar.eak´ khan, arho~ barea kant.har. bin ka.ud.iten´ emama.

Khange uni kor.a do kant.har. jojome lagaoena. Adha jom tayom uni doe menkeda, dak´ thor.an´ n´u~ia, no~k´o~e nond.e ale or.ak´, thor.an´ n´u~ a.gulege. Beparia. ho~e ra.jiyena. Ado or.ak´e senen khan ac´ren hud.in´ boeha joto ghot.na pust.a.ute bad.ae ocokedea, are metadea, do usa.rate calak´me. Ac´ren boeha ho~ uniak´ katha leakage usa.ra dokane senena ar kant.har. jojome lagaoena. Mit´ dur.up´re jom cabaket´te, beparia. do ekalte uni kor.a sec´ge koyok´ hape akada. Ente ar ja~ha~n katha ror. reak´ jaega bae n´amleda. Adoe ror.let´ katha leakage barea kant.har.e emadea. Enreho~ bepar.i do ona ghot.na reak´ kha.ndrin´tet´ babotre cet´ge bae at.kar dar.eada. Adoe metae kana, am dom rakas kana se cet´?

JONA NA BI

Probhu do Jona na biye metadea, Am do Ninive maran' nan'grahate ma calak'te porcarakome, ban'ma, in' do onan' marao uta ra mente; ente onkoak' ka.ige a.d.i maran'a. Menkhan Jona do mit't.ec' jahajreye dec'ena Ta.rsis disomte da.r.a mente. Khange Probhu maran' okoc' birba~oe kolket'te jahaj do unum ba.r.ijok' kan tahe~kana. Ado la.ur.iakoko mepenena, Delabon guliba~t.ok'a, ja~ha~lekatebon bad.ae n'am okoe guna.k'te noa ghot.na par.ao akawat'bona mente. Guliba~t. do Jonare par.aoente jalapurireko capat' khan'jokedete nijhum thir got'ena. Khange Probhu mit't.an' maran' okoc' hakoe kolkedea Jona ude la.git', ar Jona do uni hako reak' la.c're 3 sin' 3 n'inda.i tahe~kana, Khange Probhu hakoe hukumadete uni do Jona ghut.ureye ula.kedea. Khange Probhu dosar karte Jonae metadea, Am do Ninivete senkate onen' men akawat'meak' porcarakome Jona do nan'grahate senente hohoateye metat'koa, 40 ma~ha~re do noa nan'graha jalao maraok'a. Niniveren hor. onako an'jomket' khan mon a.curenteko ne~o dhoromket'a, ar onkoren raj do raj kicric' gid.ikate go~r.e~ kicric'te oyo pot.amente toroc'reye dur.up'ena. Khange Probhui kastaena, ar cekako la.git'e ror. akat'ak' bae onkalak'a. Onate Jona karac' kuruc'kate Probhui metadea, No~k'o~e con' in' disomre takenren' menwan leakage hoyena; ona ter.on' Ta.rsisisten' da.r.et' tahe~kana; enten' bad.ae kan tahe~kana, am do daya ar sombhuri ka.i ik'ka. Isor kanam mente.

Jona do nan'graha bahrere senkate ond.eye tahe~yena, cet' leka hoyok'e n'ela mente. Probhu do mit't.ec' erad.om dareye dare ocoket'a Jona reak' bohok' umultae la.git', ar Jona do onate a.d.i ba.r.ic'e ra.ska.yena. Menkhan et.ak' jokhec' Probhu do mit't.ec' tejo man'gaokate uni do daretet'e gerket'te gosoyena. Sin' candoe rakap'en khan, purua. khon lolo hoe hec'ena, ar sin' cando reak' seton' na.bi reak' bohok're par.aoente uni doe jha~eyena ar gujuk'geye koeana,

khangé Probhui metadea am do erad,om darerem ma~ya~k' kana, one ona n'utumte bam kurumut,u akat', ar ona bam hara oco akat're ho~, ar in' do Ninive maran' nan'grahare ba.n' ma~ya~k'a, one onare etom kon'e bako pachnao dar.eak' 1,20,000 khon ba.r.ti hor. menak'ko? (**Jona puthi**)

Ren' gec' Hor. Cedak' Arho~ Ko Ren' gecok' Kana?

Bangladisom ren Manotan **Onolia**. **Timon Hasdak** ak' a.d.i aema soros seren' menak'a. Onako modre tehen' in'ak' olok ren' tuma.l hatao keda; "Pa.tia.rge Lonbonic', Pa.tia.rge: Sa.rige, Lonbonic', Ka.mire pa.tia.r" Santali seren' puthi Seren#579. Sa.rige tehen' abo sanam santalko lonbonic' re pa.tia.r ar ka.mire pa.tia.r, menkhan cedak' santal ja.tia.riko ren'gec' hor. cedak' arho~ ko ren'gecok' kana.

Brian Tracy doe hoyok'kana Canadian-America ren udga.u emok'ic' ar maran' onolia. ho~ kanae. Uni do ira.l gel cetan puthi doe ol akada, ar onako puthi do aema pa.rsita chapa sodor akana. Sanam puthiko khon soros puthi do hoyok' kana; ***What You're Really Worth, Eat That Frog!, No Excuses!***

Brian Tracy ak' katha lekate, "***amak ae uma.~r. d.her hoyok'tama, ga.khur.ok' hoyok'tama ar bud a.kil hamet. hoyok'tama.***" End.ekhan, onkoak' ae d.herem menet' khan, noa sa.riak' la.git' am do thor.a ka.mihora do hatao hoyok'tama. Amak' ae d.her la.git' lagan (biniyog) ar ga.khur.ok' reak' bud a.kil lekate ka.mi hora do hatao ja.rur. kana. Noa la.git' lekha, jhu~ki hatao ar t.aka paesa reak' ja.rur. hoe dar.eak'a, menkhan onako do ba.i ba.ite d.her dinte pura.u do ba.r.ti bha.la.ianak' hoyok'a. Amak' ae ron'-beron' se rosanjon lekate benao rakap' sa~o sa~ote, noa do amak' ae reak' onor. do sa.rdi ar dhurpa.ure gor.o dar.eama.

Am do cet' arho~ t, aka paesa arjao ar amak' ka, ud, iko lahanti la, git' soros uta, r hor se upa, i em sendra kana? Arho~ ba, r, ti ae ar ae ba, r, tik' la, git' cet' lekate hamet, ok'a ona babotte nond, e latarre thor, a ka, mi hora do ol car, haoena.

Pe lekate Ae hoe dar, eak'a:

1. Akтив kәmi
2. Nisәm kәmi
3. Pоrtfolio reak kәmi

1. Akтив kәmi; Akтив kәmi reak' manetet' do kana nonkan ae oka do am khat, aokate ar okto khemao katec' em arjaoet' kan. Jemon, nukri, ba, nij-bepar, se nonkanak' ja~ha~n ka, mi, am tin gha, r, ic' okto khemao katec' em ae dar, eak'.

Na, muna lekate, amak' mit' t, en dokan menak'a, ona dokanre tin gha, r, ic' em dur, up'a in gha, r, ic' ge amak' ae do; menkhan dokanre bam dur, up' len khan, amak' ae do ban' hoyok' tama. Nonkan ae do d, her hor, ge alga ar usa, rate ae lekako hudisa. Noa do joto hor, t, hen oprom hora kana, ar d, her hor, ge akтив kәmi sec' ko laha calak' kana. Na, muna lekate, nukri n'am, candore nit, akan kuṛai/beton n'am, se ja~ha~n onkan hud, in' macha ba, nij-bepar. Menkhan nonkanak' ae do sima, bhitrire menak'a, entet' tina, k'em khat, aok'a, una, k' gem ae dar, eak'a. Ar mit' hor, din hilok' kom se kom 10-12 ghont, ae khat, ao dar, eak'a, ina, khon ba, r, ti do ban'.

Ja~ha~tin maran' D, aktar, Engineer se ka, k' miyic' em hoyok', akтив kәmi te tina, k'em ae dar, eak'a? Noa reak' son' kha do nit, akan, ar mit' okte ona sima, rem jha, lik'a. Onate, akтив kәmi do d, her din reak' dhon-da, ulat benao rakap're ban' t, hika.

2. Nisәm kәmi; Nisәm kәmi do noako metak' kana, oka do begor ka, mite ho~ t, aka paesam arjao dar, eak'a. Jemon, amem ja, pit' eda, se et, ak' ja~ha~nak' em ka, mi kana, enre ho~ amak' ae do hoyok' kana. Okoe do Nisәm kәmi ko benaoet' kan, onko do aema okte acel pacel ko kisa, ~r, ok' kana, cedak' je, nisәm kәmi reak' maran' subita do kana, noa do okte na, pitre d, her idik'a ar tis ho~ ban' thirok'a.

Na muna lekate; am mit't.en or.ak' bhar.a ba.isa.ume, end.ekhan jao candore bhar.am n'ama, ar ona sec' ja~ha~n bises dekbhal ban' lagaoama. Ina.chad.a ho~ puthi olok', You Tube channel calao, Website talate ae, Facebook page se instagram khonak' ae, YouTube sec'te noako do nisam kami reak' na.muna kana.

Nisam kami etohop' do ban' algawa, entet' noa la.git' pa.hilte thor.a okto emok' reak' ja.rur. menak'a ar ka.mi hoyok'a. You Tube channel jhic'em mone lekhan, pa.hilte thor.a cando bam ae dar.eak'a, menkhan mit' okte n'elok'a je, tinre amak' video joto hor. t.hen porcarok'a arko kusiak'a, unre amak' ae do ehobok'a. Aema okte nonkanak' income ehob la.git' thor.a t.aka paesa ho~ ja.rur.ok'a. Ona karonak'te d.her hor.ge nisam kami do bako kusiak'a, ar onko do Aktiv kami re lobdhao akanko tahe~n kana. Enreho~ okoeak' do nisam kami tahe~n, onko do tis ho~ t.aka paesa reak' okula.nre bako par.aok'a, ente onkoak' ae do bond ban' tahe~na. Onate, jion jingirem jitka.rok' khan, Aktiv kami khon thor.a t.aka paesa ban'cao kate nisam kami reak' onor. benao hoyok'a.

3.Portfolio reak kami; Portfolio reak kami do kana oka ae lagan se (biniyog) lekate hijuk'a. Okoe ak' do t.aka paesa menak'tako, onko do aema jaegakoreko ae dar.eak'a. Nonkan ae re do ja~ha~n haron ba.nuk'a.

Na muna: Share bajar re se mutual funds re lagan (biniyog) dar.eak'a. Ina.kate, jahae karba.ria. ak' gor.o hatao me, menkhan ona karbar khon ae em n'ama, ond.e tahe~n reak' jahan ja.rur. ba.nuk'tama.

Kisa.~r. hor. do nonkan investment se laganre t.aka paesa ko dohoea. Entet' bank re t.aka paesa ko doho lekhan, asol t.aka paesa reak' dam din dinte komok'a. Okte calak' sa~o sa~ote amak' t.aka paesa ho~ share bajar re, mutual fund re se jarkhar dar.eak'a. End.ekhan ona t.aka paesa share bajar re, mutual fund re se mon'j karba.ria. ak' gor.ote lagan ako, nonkate amak' t.aka paesa ho~ d.herok'a ar am ho~m kisa.~r.ok'a.

20-80 system ar amak' tayom daram: nisam kami se Portfolio reak kami bam kusiak' khan, end.ekhan am ho~ pasec' ona 20-80 system regem at.kao tahe~na. Noa system lekate, 20% hor.ko kisa.~r.ok'a, ar 80%

hor.ko ren'gecok' kana. Dha.rtire joto khon dhon da.ulat reak' maran' ha.t.in' do 20% hor.ko t.henge tahe~na. Onate am oka ka.mire menama, kurumut.uime nisam kami. Eken ina. Aktiv kami re lagao akanem tahe~len khan, end.ekhan amak' ae do mit' okte sima.re hijuk'a. Ar nisam kami se Portfollio reak' kami ban' tahe~len khan, am ho~ onko 80% hor.ko taberem par.aok'a, okoe do got.a jion t.aka paesa reak' obhab okula.n reko tahe~nkan. Onate, tehen' khonge amak' income ho~ d.her reak' gand.onok' hoyok'a ar Aktiv kami khon thor.a t.aka paesa ban'caokate nisam kami se Portfollio reak' kami benao rakap'me. Nonkate amak' tayom daram dinko mon'jem khemaoa ar kisa~r. hor.em hoe dar.eak'a.

Arho~ thor.a na.muna:

-Puthi olok': mit't.en puthim ol chapa sodor lekhan, onde khon thor.am ae dar.ek'a, oka do calak'tege tahe~na.

-Investment: Stock market, Real estate se Crypto market re lagan (biniyog) lekhan nonkate ho~ nisam kami tem arjao dar.eak'a.

-Online course reak' bebostha: Onkan ja~ha~nak' babotre ga.khur.ok' me, end.ekhan Online course reak'em bebostha dar.eak'a, oka do hor.ko kirin'a ar nonkate amak' ae ho~ hoyok'tama. Jionre jitka.r hoyok' ar kisa~r.ok' reak' sana menak'tam khan, Aktiv kami chad.a ho~ nisam kami ar Portfollio reak' kami re mon.gad.aotam.

Muca.t' re nia. olok' sec'te sanam santalko udga.u et' bon kana je, arho~ ba.rti ka.mi lagao abona, bud a.kil d.ahar jhic' katet' nawa hor od.ok lagao abona, jemon santalko babon ren'gejok'. Bickom bon kisa~r.ok' bud a.kilte ar t.aka paesate. Onate cetanre ol akan bisoko arho~ ba.rti bon gand.onok' ma ar bon hudis te ren'gec' do ban' bickom bon kisa~r.ok'.

“Gadha Jokhon Montri”

Mit't en Raje tahe~kana. Uni Raj do mit' din bir gajar, ar.e ar.ete tar.am idiyet' tahe~kana. Sa~ote ac'ren montri ho~e tahe~kana. Ackage Raj do montri kulikedea, mase la.ian'me, tehen' ak' abohaoa do cet'leka menak'a? Raj do thor.a sa.n'igin'e senena. Raj saman'te mit't en kic'ric' saphaeic'e (Dhopa) calak'kan tahe~kana. Ado uni hor. do Raje metadea, E Raja mahasoe, calak' kanam noa ma bhagege, menkhan kajak hoe-dak' hijuk'a. Khange uni hor.ak' katha lekage, Raj do hoe-dak'e eset'kedea. Unre Raj do ac'ren montri bad kedete, kic'ric' saphaeic'ge ac'ren montri benaokedea.

Onkage mit' din Raj do bagwanrey a.cur bar.ae kan tahe~kana. Ackage monre kukli janamadea, montri do cekate bad.aekeda enhilok' reak' hoe-dak' khobor do? Ado montri hohoadete metadea, am do cekatem bad.aekeda hoe-dak' hijuk'a?

Montri: Tinre hoe-dak' leka a.ika.uk'a, unre in'ren Gadhawak' lutur lar.ak'taea. Onaten' la.iat'me tahe~kana, tehen' do hoe-dak' menak'a. Unre Raj do uni kic'ric' saphaeic' montri hor. ho~e bad kedete Gadha ge ac'ren montri benaokedea. Ado unre asol muskil do hoyena. Got.a nan'graharen Gadha ko hec' jarwayena ar Raj ko metae kana, ale ho~ amren montri benaoleme.

MARAN' D_UBA_ DAK'

Manwa do dha.rtire ba.d.en san'geyenako. Set bo~srenko do Ka.yin bo~srenko tuluc' ghar gha.ra.iko jor.aoket'te dha.rtire do ka.i chabaoena, ar Isor doe kastaoena manwae benao akat'ko ia.te. Menkhan Noah do Isor saman're dayae n'amket'a. Ona ia.te Isor do Noahe metadea, Am do 300 moka jelen', 50 moka osar ar 30 moka usul mit't.an' jahaj benaome, ar bhitri bahre alkatra hasate ona lasraome, ente in' do pirthimire d.uba. dak'in' hec' ocoea, sanam ja.trenko maraoko

la.git', Noah do Isor reak' hukum leka ona jahaj benaokateye boloyena, ar uni tuluc' ac'ren or.ak' hor. ar Sem, Ham ar Japhet metak'me ac'ren pea hopon ar onkoren ba.huko, ar dak're bako tahe~ dar.eak' joto jivianko jor. jor.ge. Khange Isor do 40 sin' 40 n'inda.i dak' ocoket'a, ar athantar reak' sanam jharna phor. od.okena, ar usul uta.r buruko khon 15 moka cetanre dak'ge se rakap'ena. Ar rohor.reko tahe~kan joto jiviankoko mohor met.aena; eken Noah ar uni tuluc' jahajre tahe~kanko doko ban'cao sarec'ena.

Khange Isor do Noahe disa.kedea, ar dha.rti cetan cetanteye hoe idi ocoket'a, ar dak' do ohraoena, ar jahaj do Ararat burure d.han' tahe~yena. Khange Noah do khir.ki dua.r jhic'kate mit't.an' bhond.a ka.hu~i ar.ak' got'kadea. Uni do onte noteye ud.a.u bar.ae kan tahe~kana dha.rti cetan khon dak' a.uri an'jedok' dha.bic'. Onakate Noah do mit't.an' potame ar.ak'kadea; menkhan uni do abok' reak' thol bae n'amlet'te jahajteye rua.r.ena, ar Noah do ti tia.rkateye atan' aderkedea. Noah 7 ma~ha~ jivi hatar.kate arho~ uni potame ar.ak'kadea. Uni do a.yup' ber t.hont. are mit't.ec' t.un'gec' akat' ja.it dare reak' berel sakamanteye rua.r.ena. Noah arho~ 7 ma~ha~ jivi hatar.kate arho~ uni potame ar.ak' dohr.akadea; ar bae rua.r.lente Noahe bujha.uket'a, ban'ma, ot ten'golen tahe~kana.

Khange Noah do jotokoante jahaj khone od.okena, ar mit't.ec' pind. benaokate jeredok' saman'ok'ko Isore saman'adea gun manao joharae la.git'. Ar Isor do ac' monreye menket'a; Manwa guna.k'te ot ado ba.n' sarapak'a; ente manwa reak' bundisjon' do gidra. jokhec' khonge ba.r.ic'getakoa. Pirthimi taken bhor erok' ar irok', rear. ar lolo, niron din ar raban' din, ar sin' ar n'inda. do ban'ge cabak'a. Khange Isor lit.a.k'-ak' sermareye dohokat'a mit't.an' cinha. la.git', ac' gok'ak'e pura.ua mente. Noah do 950 serma umerreye goc'ena, ar maran' d.uba. dak' tayomren manwakoren janam datae hoyena. **(Gen.6-9.)**

H I S K A .

Hiska do mit't.en maran' abeg (Emotion) kana oka do mit' hor. ar mit' hor.ak gunman, sarhao, hamet., bad.aeak', cecet'ak' menak' khan onako n'elteye Hiska.k'a. Ar ho~ Hiska. do janamok'a apnar obhab (okula.n) khon, apnar ran'gao, apnar ta.kic'ak', samajik, ka.ud.i okula.n, ba.d.a.i mon, man manotko hir.in' selet' aema lekan et.keto~r.e~kote hoyok'a. Nonkate Hiska. do etohobok'a ar a.d.i maran' te pasnaoak'a.

A.d.i aema din lahare Norway disom ren Santali pa.rsi cet' akat' mit Saheb hor son'ge aema lekan daman gapalmarao do hoyok' kana Santal hor.ak' lahanti, sikhna.t, a.ri-ca.li, hor.mo ha.t.in' ar emanteak' bisoeko cetanre. Ado Saheb doe la.ia.n' kana aema din khon ale ho~ ape santalko lahanti la.git' le ka.mi kana; Menkhan bhitri bhitrite a.d.i at. Hiska. doe ka.mieda ape santalko talare. Ar ho~e menet' kana je, eken Santal hor. hopon do ban' bickom Bangladisomre basok' kan sanam ja.trenko talare noa Hiska. do menak'a. Metak' me got.a dha.rti ren Manwako talarege kom ar dher. Onate tehen' in'ak' olokak' don' got.a keda HISKA. babot.

Hiska. reak' maran' machine n'utum do hoyok' kana misriba.t (Sorojontro). Am laha sec' rakabok' em kurumut.ui khan tayom sec'ko or phed. mea, maran' jahan ka.miem etohop' lekhan am reak'ko oktaea, maran' kukmuiem n'el lekhan bam dar.eak' menteko nisr.a.u mea. Nuna.k' et.keto~r.e~ modre am do ban'caok' taken lagaoama, ehrar taken lagao ama, kukmu pura.u lagaoama,entet' manwa do et.ak' hor.ak' jan'gatedo bako tar.ama, apnar jan'ga tege tar.am ja.rur.a, da.r ja.rura. Am cetan sec' rakap' me la.git' do okoe ho~ bako kurumut.uia. Apnarte sin' ar n'inda. bam kurumut.u lekhan do okoe ho~ am gor.owam la.git' do bako kurumut.uia. Dha.rti do a.d.i at. geye et.ak'a, nond.e do sanam geko et.ak'gea, Apnarte ban'caok' reak' hor ar as do apnartege benao ja.rur.a. Tin ha.bic' bhageak' ka.mite bam sodorok' ha.bic' do okoe ho~ bako orom mea, bako koyok' ama ar bako n'el mea. Noa ho~ hoyok'a je, am katha em katet' ho~ katha bako dohoea. Ar ho~ am n'apamok' la.git' ghont.a ghont.a ko koyok' lan'ga ocomea. Jahan ka.mire a.uriem jita.k' ha.bic' am doko hudisa mit't.en lelha se boka hor. kanam.

Dha.rti redo sanam hor.ge jo n'en'el ko as jona'. Am do tina.k' ghont.am par.haok' kana, tina.k' n'inda.m ka.mi kana, tina.k' em kurumut.u kana; ona do okoe ho~ bako n'el tama ar bako hudisa. Cricket ren mahasoe Sochin Tendulika.r tina.k' 6 turui chokkaeye dal akada ona do maran' bisoe do ban' kana menkhan tina.k' chokka dal katet' ac'ren dole jitka.r akat' koa onage maran'ak' bisoe kana. Football ren maran' khilod.ia. Mesi do tin gha.r.ic' ac'ak' kata. re bole doholeda, se tina.k' dhom gol reye t.ut.i leda ona do maran'ak' do ban' kana; football khila.dia. n'en'el kan hor. doko n'ela Mesi tina.k'e goal keda ar ac'ren dol doko jitka.rena se ban'. Entet' Jo kangea maran'ak' bisoe do.

Sisirja.uic' do abo sanamko mit't.en enejok' la.git' khila.d. mat.h doye em akat' bona. Ona khila.d. mat.h okoe tina.k'e la ghad.lak' dar.eak' kana; a.d.i thor.a ganem la ghad.lak' lekhan do ghad.luk' hoyok'a, ar thor.a ba.r.ti kha.ndri khan do pukhri hoyok'a, ar ho~ ba.r.ti ghad.luk' len khan do maran' dighi hoyok'a, am okam kusik'a onage hoyok'a. Sisirja.uic' do am dil ar dar.eye em akat' mea, bud akile em akat'mea, bar.ge se mat.h hoye em akat'mea; Menkhan amak' ona dar.ete cet' em benaoa ona do amgem bad.aea, gha.d.luk', pukhri se dighi amak' cetan rege nirbhorok' kana. Onate Hiska. do ban' bickom apnar dar.ete bon kurumutui ma apnar lahanti la.git'.

Onate Bill gates do nonkae men akada; "Okoe ame edrewama uni do alom hirkha.waea, Ente uni do emon mit' hor. kanae okoe doe sika.ra, uni khon am dom soros gea".

Pajha .r . Ce~r .e~ Leka Dhon Da .u.la .t

Sonot Baebel re ol akana, Onare amak' me~t' par.aolen torage ona do cabak'a; Ente ackage dhon doe pha~k'ra.~k'jon'a, Ar pajhar. leka

serma sec'e ud.a.uk'a (Ka.htukko: 23:5). A.n a.ri taberen cetan huda.ren ka.mia.ko se hor.ko n'utumte jalapuri ko lut.pat. reak' kathako disom hor.ko saman're cet' leka sodorok' kana; onkate a.d.i cat.o ar hahar. age a.ika.uk' kana. Disa.m lahantire da.yikan hor.ko do ti phula.ukate kaera dareko hoelena menkhan nit onkoak' umul ho~ ban' n'elok' kana. Sin'-n'inda. hudis gand.onkate oka dhon jarwalen, ona sanamak' do chir cha.tur cabayena. Dhon da.ula.t ra.khi jogaoreko berthakana. Nit sanam lekan t.ahrao se anman dhon da.ulat do rast.ro ak' khajan'ci re menak'a. Dhon do amak' Edre se ran'gaok' dinkore bae gor.owama. End.ekhan nit' dha.bic' okoe do hor.mo reak' balbalao dak' jan'gare jorokateko lahak'kan, onkan dhon do jia.r ar tahr.ao akan tahena. Baebel re ol menak'a, Probhugere n'igec' ok'coyic' ar kisa.r. ok'coyic'; Unige cok'potic' unige uk'sulic' (Pa.hil Samuel Puthi 2:7).

BCB reak' khobor sakamre ol akana, calaoen 15 sermare Ban'gladisa.m khon 28 dharate durniti hotete 234 Bilion markin d.olar binhok se bepar akana. Ar noa ka.miko ka.mikeda rast.ro ren namdak ar cetan huda.re dur.up' akana hor.ko. Sonot Baebel re dhon so~c'jon', beohar, da.yik ar ona a.uria.k' beohar reak' horko do bornon akana. Jingi bita.u ar din hilok' reak' ka.miko pura.u; Baebel do aboak' gharon'j ar per.a pa.rbha.ko babotte ho~e la.iabon kana. Cet' leka Sikhna.t reak' ka.mi dhon so~c'jon', onka leka ba.nij bepar katet' ho~ t.aka poesa do jogar.ok'a. Onate Sonot Baebel re menak'a, Menkhan kisa.r.ok' sanayet'ko hor. do bid.a.u ar pa.sire, a.d.i lekan bepui ha.ha.n lalockoreko khan'jok'a, one onako do maraok' ar nost.ok're hor.koe unumet'ko (Pa.hil Timothy 6:9). Abo manwa do kisa.r.ok' sanate aema lekan lalockorebon par.aok' kana, samajia.-be samajia., rastro birud se somaj birud kamkajre bon jor.aok' kana. Aboak' jan' jel re noa nisa. do tumul akana, onate menakana, T.aka poesa duk'la.r.ic' do t.aka poesate bae bik'a, ar acel pacel dhone dula.r.et'ic' ho~ arjaoak'te ban', noa ho~ a.uria.k'gea. Probhu Jisu do ac'ren celako noa cecet'ak' emat'ko tahe~kana, ente okare dhon menak'tama, ond.ege amak' mon ho~ tahena.

Probhu botorae reak' kur.a.i do dhon ar man ar jionge. Dha.r.tiren manwakoak' khojok'ak'ge, ja~ha~tinre abo ho~ noako n'am la.git'bon

d.a.r. bar.ae kana. Noa babotre ho~ ol akana, Acel ar manot do am t.hen khonge hijuk'a, ar am do sanamak' cetanrem rajok'kana. Amak' tirege dar.e ar jor do; ar am hatrege menak'a sanamak' maran' ocoe ar dar.e ocoe do (1 biboron 29:12). Sanam dar.ean Isor baba tinre cot. khone n'en'ela, unre abo do ac' sec' do ban' bickom dharti sec'gebon ben'get'kak'a, ina. ghur.irege muskilak' do ghot.aok'a. Solomon ho~e sika.rleda, Ac'ak' dhonregeye bhorsajon'kan hor. doe tolmojok'a, Menkhan dhorem hor. do ha.ria.r. sakam lekae sahref'a (Ka.htuk puthi 11:28), se Pa.tia.r hor. do d.her bhore n'ama, menkhan kisa.~r.ok're utpatok' hor. do bin sa.ja.ite bae tahena (Ka.htuk puthi 28:20). Bharot disa.mren mare maran' montri Haradanahalli Doddegowda Deve Gowda menleda, inak' nit.ak' jomage ema.n'pe, ente tayomte ba.r.tilen khan ba.n' an'goc'mea, arin' mena okoe kanae Probhu do? Ban'khan tayomten' nacarlenre kombr.o leka ba.r.ic' horin' bachaoa, ar Isor n'utum a.ur..i pa.tha.r.in' beohara. Noa do Ka.htuk puthire ol akana, Raja Solomon do ac'ak' jion reak' katha khone ol akada. Ina.kate Raja Solomon do Isor ak' hor khone pharaklena. Sadhu Pa.ul do Timothi cehaokate Epehisi mand.erren koe metat'ko tahe~kana, 'Ente sanam ba.r.ic'ak' rehet' do t.aka poesa duk'la.r.ge, one onako uiha.ret'te adom adomko do biswa.s khonko bhan'gt.aokana ar a.d.i okoc' dukte akotet'geko sobok' tap'akana, (Pa.hil Timothi 6:10).

Sostor do t.aka poesare la.t.kao akan babotre lahare sontor akat'bona.

1. PROBHUak' bhor doe kik'sa.~r.a (Ka.htukko 10:22)
2. PROBHU manotaeme amak' sanam dhon duribkote, (Ka.htuk 3:9)
3. Alom khat.ao lan'gaok'a kisa.~r.ok' la.git' do (Ka.htuk 23:4).
4. Apeak' ca.lcolon do t.aka poesa bin duk'la.r.ak' hoyokk'tapema; (IBRIKO 13:5).

Chin disa.m do bahre ren ba.irikoak' ti khon rukhia. la.git' Great wall ko benaoleda one oka do Chin reak' pa.cri lekate oprom menak'. Khobor lekate, noa pa.crire do cando khon ho~ ba.r.ti n'elok'ak' tahe~kana. Enreho~ Chin disa.mre pa.cri benao katet'reho~ bes dhao ko akham akana, noa reak' mul karon tahe~kana t.aka poesa; okoe do pa.cri dua.rre da.yike tahe~kan, onko do a.d.i uta.r t.aka paesas ko hataoleda. T.aka poesa lob laloc do ba.ri.c' horte a.yurbona. Ona karontege sonot Baebel re menakana, Adoe metat'koa, Men cehaok'pe ar

sanam lekan lob laloc khon sontorakan takenpe, ente hor.ak' jion do sarer.ok' leka menak'tae dhon duribte do ban' hoyok'a (Luk 12:15). Sisirja.uic' Isor baba do manwa jion a.yur la.git' ae-rojgar sa~o sa~ote sambar.ao reak' horko ho~ sosterre ol car.hao akada. Isor ak' soros uta.r sirjon do manwa, uni do aboe dula.r.et'bon kana. Apostol ka.mi puthire Pa.ul do sanamak' n'el jutkate Timothi noa solhae emadea, Noa puriren kisa.~r.ko ka.jia.~ukom, jemon aloko usul monok'; ar bin-kha.t.i dhonre aloko bhorsa akan taken, menkhan Isorrege, one uni sahtate jotoak'e ant.ao abonkan ra.ska.te beoharjon' la.git', (1 Timothi 6:17).

Mit't.en Kur.i In' Dula.r.kedea-Gel Are Ak' Porbo

Dula.r.ia. Gate

Beja~e bhabnan' a.ika.ueda in' la.git' do somege jatec' ban' kula.uk' kantama. Menkhan in'ak' dula.r. do am la.git' dinek din ja.sti idik' kana. Am do in'ak' monren mukut. kanam. A.d.itet'em mo~n'ja, n'inda. cando terdec'em cekaea. In' do in' boeha am baba t.hen in' kolakadea. Uni ho~e ra.jigea. Pher ina.kate do alan'ak' ha~s ra.ska. ak'kot.ak' do cet'ge ban' tahena.

Darae hapta do mit't.ec' maran' bhoj hoyok'a. Ona bhojre am ne~otamen' menjon' kana. Am kaka ho~ nahak'e set.erok'gea. Alan'ak' baplatem kusi uta.rok'a. Guti ka.mr.iko tahentama, arem kusilen khan amte ho~ t.akam kamao dar.eak'a. Ekalte mem-era lekam tahena. Alan'ak' somaj jion do eken lekha-por.ha hor. talare khemaok'a. Menkhan alan' dula.r. do joto khon comotkarok' talan'a.

Noage Amren

BABEL REAK' BURUN'J

A.d khon dha.rtire do eken mit' pa.rsige tahe~kana. Manwako do purua. sec' mohnd.akate Sina.r disomre maran' okoc' mit't.ec' t.a.nd.i n'amkate ond.eko berelena. Adoko mepenena, delabon, serma ha.bic' t.un'ga.uk' mit't.an' burun'jbon benaojon'a, jemon got.a dha.rtire alobon chir cha.turok'.

Menkhan Probhu do serma khon a~r.gokate onkoak' pa.rsiye gad.bad.aoket'takoa, jemon aloko bupujha.uk'. Onkate Probhu do got.a dha.rtireye chir cha.turket'koa, ado burun'j bek'naoko ba.giket'a. Ona ia.te ona t.ha.~i reak' n'utum do Babelko dohoket'a, ente ond.e Probhu do got.a pirthimirengo reak' pa.rsiye gad.bad.aoket'takoa. Sem bo~srenko do A.siareko tahe~yena, Ham bo~srenko do da.khin sec' A.phrikateko calaena, ar Japhet bo~srenko do pa.chia. sec' Bila.tteko senena.

Net. Dunia. ren Dundu

Manwa con' samajia. tonol khonko saha calak' kana. Non'kan sawal ja~ha~eak' monre hec'aekan; uni babotre eken nia.gebon men dar.eak'a je uni do bastob dunia.regey jiwidok' kana. Noa bastob dha.rti chad.a ho~ et.ak' mit't.en dunia. menak'a; oka do mon dunia. mentebo men dar.eak'a. Mon dunia.ren hor. do dhur.i dha.rtiren khon ho~ a.d.i samajia. ar susa.ria. menteko ja.hirok'a. Noko do a.d.i mila.n sar hor. kanako. Net. dunia.re onkoak' od.on' bolon n'elte asokaete onkagem bujha.ukea. Noko do nij per.a pusr.iko sa~o n'epel n'apam se

hiri hipiri ba nuk'tako leakage. Mon dunia ren a.na.r.i hor.ko sa~oge na.r.ja.r. ba.r.tigetakoa. Noko do dha.r.tiren hor.ko khon chapad.ao idik'te mo~r.e~ inci reak' pardareko paera bar.ae kana. Noa reak' orjo napaeok'a se ba.r.ijok'a ona tojbij reak' bhar do somaj bigia.ni ban'khan mon d.akt.orko upa.rbon jima.kak' khan pasec' bogekok'a. Menkhan ond.e ho~ a.d.i din ta.n'igi tar.ak' tayomge orjo n'amok' reak' as menak'a.

Social Media sa~o lat.kao taken reak' ba.r.ic' orson'ko jaoge dina.m hilok' reak' khobor kagojkorebobon n'elet' kana. Onako khobor n'elte monere botor janamok'a noa hudis kate enkathae darae dinre noa khon arho~ ba.r.ic' halot hoyok'a se cet'? Social Media beohar reak' neam dhara babotre janka.ri ne-hor. t.hen a.d.i do ban' pust.a.ua. Net.dunia.ren dundu metak'me kom umerren gidra. ar cahe do umeran hor.ko reak' kathagem men nia.ko din a.d.iko umjha.u akana. Bastob dunia.ren go-baba akoren gidra. koak' bha.la.ire tina.k'ko dant.aoko; kukmu dunia.re menkhan onka do ban' n'elok'a. Mobile phone sap'kate sanam gha.r.i lar.car. bar.ae do ba.r.ic' heware bodol dar.eak'a. Noa hewage tayomte nesare bodol dar.eak'a. Ja~ha~ ban' karonte internet service bondlen khan ba.r.ic'ge at.karok'a. Samajia. helmelkore netar hor.ko, mobile phone korege ja.sti bestom n'elea. Okte set.erakana gidra.ko mon'jte me~t' luturako reak', Online reak' nesa husit' chad.ao la.git' digital detox camper ca.lu akada. Noa camper mobile jima. kate net.dunia. khon sa.n'gin'reko tahe~n kana. Noako n'elte monere mit't.en maran' sawal rakap' akana. Sawal do morality sa~ote freedom reak'. Gidra. morality d.aharte a.yurkore cet' onko do sa.ri d.aharre ten'go tahe~n reak' salhabon emakoa se onko rukhia.kore freedom kobojtako lek kana.

Tuma.l:Jugsirijol